



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Decreta Provinciae Mediolanensis Sv̄b B. Carolo Borromeo, Cardinale
Archiepiscopo, Diuersis temporibus in sex Concilijs, totidemq[ue]
voluminibus edita

Speciano, Cesare

Brixiae, 1603

Tit. XIX. De Regvlaribvs.

urn:nbn:de:hbz:466:1-10553

DE REGVLARIBVS.

Tit. XIX.

Qualiter ad interpretandam sacram Scripturam monachi sint cogendi. Cap. I.



QUOD Sacrosancti Tridentini Concilij decreto de interpretatione sacre Scripture, in Monachorum monasterijs instituenda sancitum est; id Episcopus omnino efficiat, vt, quibus in monasterijs commodè præstari potest, ea instituantur; vel si intermissa est, restituatur.

Qua in re præstanda Abbates, atque alij, quocumque nomine vocati, qui monasterio præsent, opportunis iuris remedijs compellantur.

Dies festi, quorum etiam tabellam habeant, per regulares colendi. Cap. II.

QUOS dies festos Episcopus in vrbe, diæcesiq; sua coli, sanctificariq; edixerit, ac præceperit; ij ab a Uniuersis cuiuscumq; ordinis regularibus, quauis ratione exemptis, colantur, sanctificentur, atq; obseruentur. Dierum autem festorum, quos in ea vrbe, aut diæcesi coli consuetudinis est, ille tabellam conficiendam curet, quam certo Sacristiæ loco affixam ijdem etiam regulares habeant.

Ieiunia etiam à regularibus obseruanda. Cap. III.

IEIUNIA præterea, quæ certis præcipuis locis, vbi monasteria illi habent, à reliquo clero, populoq; vniuerso obseruari moris, consuetudinisve est; curet Episcopus, vt ipsi itidem, sicut ceteri omnes, ritè, rectèq; colant, celebrent, atque obseruent.

Regulares curam animarum agentes synodo, & alijs prout ceteri parochi sæculares, interfint, & eadem præstent.

Cap. IIII.

REGULARES quicunq; sint, qui in quauis Ecclesia parochiali, etiam quæ in suo monasterio existit, quæve eidem adiuncta est, curam animarum gerunt, synodo diæcesanæ interfint; & ad statas illas congregationes, lectionesve, quibus parochos interesse iussum est, conueniant; menstruos item illos parochorum conuentus, quos in diæcesi haberi decreto cauimus, tum ipsi adeant; tum in Ecclesijs, vbi animarum curam gerunt, monasterij sumptu habitent; & omnia denique munera, oneraue parochialia, quæ cæteris parochis imposta sunt, præstent omnino.

Sess. 5. c. 1. verf. In Monachorum. de refor.

a Cõcil. Trid. sess. 25. c. 12. meminit Nauarr. in Man. c. 13. n. 5. facit ca. de ijs. dist. 12. Moned^o est populus, vt eas festiuitates quas Episcopus præceperit, colat; neq; inani superstitione illas celebrare præsumat, quæ nequaquam sunt obseruanda, vt cauetur in Cõc. Ticinè. sub Benedicte III. Tom. 3.

Vid. infr. d. capell. Monac. c. 1. Cõc. Trid. sess. 24. ca. de refor. 2. verf. Synodi quoque.

Olea sacra regulares ab ecclesia cathedrali sumant.

Cap. V.

Monachi, regularesq; cuiusvis ordinis, etiam exempti, non aliunde, sed ab Ecclesia Cathedrali intra cuius diocesis fines habitant, olea sacra sumant. Si secus fecerint, arbitrio Episcopi, in cuius diocesi manent, puniantur.

In locis quoquomodo regularibus subditis, quiuis, nisi ab Episcopo approbatus, confessiones audiat. Cap. VI.

NE in Monasterijs quidem, & locis, ubi regulares spiritualem, temporalemq; iurisdictionem habent, quisquam sacerdos, etiam regularis, & exemptus, confessiones audiat; nisi primum ab Episcopo, intra cuius diocesis fines ea monasteria, loca sunt, ad id probatus fuerit.

DE RELIGIOSIS DOMIBVS, ET EARUM administratione. Tit. XX.

VT pia loca omnia fideliter, diligenterq; administrantur; quæ sacrum Tridentinum Concilium Episcoporum curæ, ac studio maxime commendauit; hæc mandamus, quæ ab omnibus seruanda erunt.

A præfectis hospitalium quæ præstanda; negligentisque ab Episcopo qualiter compellantur.

Cap. I.



Quia hospitalia, seu alia pia loca ad peregrinorum, infirmorum, pauperumve usum præcipue instituta, in commendam, administrationem, aut quemcunque titulum, aut Ecclesijs suis vnita obtinent; domos, & ædificia horum locorum ruinosa, vel disiecta sarciant, & restituant.

Quæ ab alijs occupata, aut amissa, iniusteve alienata sunt, recuperent. Impositum illis onus, & officium omnino obeant.

Hospitalitatemq; ex fructibus, illi muneri attributis, re ipsa exerceant.

Cæteraq; omnia præsent, quæ à Vienenfi, & Tridentino Concilio præscribuntur.

Quod officium, si moniti ab ordinario non fecerint; vel per ecclesiasticas censuras, & alia iuris remedia, ad sui muneris functionem compellantur, vel eiusdem Tridentini Concilij præscripto eos Episcopus ab illa administratione, curæ in perpetuum amoueat.

Concil.
Trident.
sess. 7. c.
vltim.
Clem.
cõtingit
de relig.
dom.
Conc.
Trid. sess.
25. c. 8.
de refor.

Quibus